

DISSERTATIO INAVGVRALIS IVRIDICA

DE

DE
TUTELA FEVDALI,
EIVSQUE DIFFERENTIIS
AB ALLODIALI,

QVAM

CONSENSV

MAGNIFICI ICTORVM ORDINIS
IN VNIVERSITATE ELECTORALI HIERANA

SVB PRAESIDIO

DN. HIERONYMI FRIDERICI
SCHORCHII, ICI,

COM. PAL. CAESAR. IVRID. FACVLT. ASSESS. ET P. T. DECAN.
IVR. PVBL. PROFESS. ORDIN. NEC NON CIVITATIS
CONSVLIS,

PRO SVMMIS IN VTROQVE IVRE HONORIBVS
ET PRIVILEGIIS DOCTORALIBVS
RITE CONSEQVENDIS,

D. IV. IAN. A. O. R. M DCC XLV.

H. L. Q. C.

PUBLIC DEFENSE

A V C T O R

IOHANNES ELIAS FRANTZIVS,

ILLVSTRISS. COMITIS RYTHENEO - PLAVIENSIS SECRETARIVS DE COM-
MISSIONIBVS, VTI ET COMMVNIS REGIMINIS ET CONSISTORII
GERENSIS ADVOCATVS.

ERFORDIAE.

Typis JOH. CHRISTOPH. HERINGII, Acad. Typogr.



1877

1878

1879

1880

1881

1882

1883

1884

1885

1886

1887

1888



§. I.



obis de tutela feudali eiusque differentiis ab allodiali acturis, neutiquam opus erit, ut multam impendamus operam, circa voces indagandas in rubro Dissertationis nostræ contentas, ita comparatas, ut illis etiam, qui primas tantum linguæ latinæ lineas duxerunt, satis pateant. Operæ potius pretium erit, ut methodi rationem secuturi, definitionem tutelæ tradamus, definitur autem tutela a) quod sit vis ac potestas in capite libero, ad tuendum eum, qui per ætatem se ipse defendere nequit, jure civili data ac permissa. Hanc definitionem etiam ad tutelam feudalem applicari posse, eo minus dubii habet, quo magis hoc ex paritate officii tutoris feudalis & allodialis elucet, & ex mox dicendis luce meridiana clarius patebit.

a) §. 1. *J. de Tutelis.*

§. II.

Quoad differentiam bonorum, dispescitur tutela in allodiam & feudalem. Allodialis est, quæ in allodiis sive bonis nullum superiorem sive directum dominum

A

reco-

recognoscentibus locum habet, feudalis vero, quæ in bonis directum simul & utilem dominum habentibus deprehenditur, sive in quibus proprietas est divisa inter dominum directum & vassallum. Tutela feudalis vero pariter est triplex, uti allodialis, scilicet testamentaria, legitima & dativa, conf. STRYCK a) ita ut hæc regula, nobis firmo stare talo videatur, tutelas feudales quoque censeretur ex jure communi, donec appareat, jure feudali vel scripto vel non scripto aliquid immutatum, vel aliter dispositum fuisse, quæ regula nobis in sequentibus norma erit, secundum quam differentias inter tutelam feudalem & allodiamalem sub incudem revocabimus.

a) in *Examine juris feudalis* cap. 7. §. 10.

§. III.

Hisce suppositis, nec tutori feudali ad tutelam vocato, integrum erit, utrum tutelam suscipere velit, nec ne: sed itidem compelli poterit, nisi iustas allegare possit, excusationis causas, ratio enim a) quod tutela sit munus publicum, naturalis est, & ita quoque in bonis feudalibus sibi merito locum vindicare debet, apprimè siquidem huc applicari potest, illud quod legum monumentis consignatum deprehendimus b) impuberes esse in publica rei publicæ tutela, cui etiam nati sunt c) ex quo prono fluit alveo, reipublicæ primario hanc tutelam incumbere. Cum vero vix ac ne vix quidem fieri possit, ut illi, qui reipublicæ gubernacula administrant, per se omnium tutelas explicent, aliis vicariis quasi operam demandare debent, ex quo fit ut tutores tam feudales quam allodiales gerant munus quoddam publi-

publicum, & a publica demandatum potestate, atque ad salutem publicam tendens, ad quam promovendam, singulis civibus nihil debet esse prius, nihilque antiquius. Rebus igitur sic stantibus, manifesta apparet æquitatis ratio, quare invitis etiam hoc imponi possit munus.

a) *Princ. Inst. de excusationibus.*

b) *l. 2. §. 1. ff. ne de statu defunct.*

c) *l. 1. §. 15. ff. de ventris nom.*

§. IV.

Uti autem tutor allodialis se excusare potest a) ex causis legibus probatis, ita & tutori feudali excusationes non erunt denegandæ, ita, ut eadem causæ quæ tutorem allodiale immunem præstant a tutela allodiali, etiam tutorem feudalem immunem præstent a tutela feudali, in hoc solummodo differentia intercedente, quod excusatio proponenda sit coram domino feudi directo, vel si ipse dominus a tutela vassalli se excusare velit, coram paribus curiæ, vid. SCHRADERVS b) cum deficientibus prorsus agnatis tutela feudalis ad dominum devolvatur, utpote ad quem etiam tali casu feudum mortuo vassallo revertitur, conf. STRYCK c). Nolumus autem esse prolixi in recensendis causis huc spectantibus, cum quilibet illarum tenorem in legibus relatum legere possit, hoc tamen albo lapillo notandum est, ad iudicis feudalis arbitrium pertinere, utrum non aliæ quam quæ expresse jure communi continentur, causæ, admittendæ sint, ob eandem quæ pro expressis, militat rationem, nec etiam inficias eundem est, varias excusationis causas ita esse comparatas, ut arbitrium iudicis, utrum hoc vel illo casu præcise locum habeant,

neutiquam sit exclusum, probe enim ad statum, conditionem, & vitæ rationem a iudice hic est, respiciendum, utpote quæ, hic omne punctum ferunt. Ea vero, quæ de tempore & modo proponendarum excusationum, in legibus sunt disposita d) ita sunt comparata, ut usu fori minime obtineant. Quod in specie attinet excusationes Principum Imperii circa tutelas in feudis Imperii subeundas, de iis conf. PÜHEL e).

a) *tor. tit. ff. § Inst. de excusat. tutor.*

b) *de Feudis parte 10. sect. 19. num. 96 § 98.*

c) *in Examine juris feudalis cap. 7. quest. 29.*

d) *§. 16 Inst. de excusat. tutor.*

e) *de tutela Elect. § Princ. cap. 11. num. 12. seq.*

§. V.

Cum vero secundum supra adducta, tutela feudalis triplex sit, primo testamentariam pertractabimus. Quia enim potissimus potestatis patriæ effectus in tutoris constitutione consistit, hinc patri quoque integrum erit, tutorem constituere, etiamsi nihil nisi bona feudalia relinquat, siquidem generaliter parentibus hoc jus concessum est, nulla habita differentia ratione bonorum. Nos equidem non latet, vassallum non circa ipsum feudum posse disponere, a) minime tamen ipsi prohibitum est, de liberorum suorum tutela ordinare, vid. SCHRADER b) cum diversa sit ratio successionis in feudo & tutelæ, siquidem tunc nihil circa feudum disponitur, præsertim quoad successionem vel alienationem, quorum prohibitio c) spectat, sed potius in utilitatem feudi & filii successoris, circa personam filii principaliter disponit d) & consequenter etiam circa bona

admi-

administranda, qualiacunque etiam illa fuerint, jam vero ea quæ in consequentiam veniunt, non adeo exacte considerantur, & juvat huc affectio paterna, ac inde emergens præsumtio, quod filio circa administrationem personæ & rerum optime prospexerit, nullumque onus aut gravamen intulerit, conf. ROSENTHAL e) Aliud enim est administrare feudum, ratione pupilli successoris, aliud hoc ipsum alienare, prius est licitum, posterius prohibitum, vid. WINTZIGER f) Nec minus patri vasallo concessum est, quoscunque constituere tutores, non tantum eos, qui qualitatem feudalem habent, sed etiam extraneos, ad si sis SCHRADERVM g) adeo ut etiam bona feudalialia administrare debeant, si vel maxime illorum in testamento nulla facta sit mentio, vid. STRYCKIVS h) & COCCEJI i).

a) 1. Feud. 8.

b) de Feudis parte 10. sect. 19. num. 3. seq.

c) 1. Feud. 8.

d) §. 4. Iust. qui testam. tut. dare possunt.

e) in Synopsi feudali cap. 12. concl. 10.

f) in annotat. ad Examen Stryckii cap. 7. quæst. II.

g) loc. cit. num. 17.

h) in usu moderno ff. lib. 26. tit. 2. §. 2.

i) in Diss. de tutel. illustr. cap. 4. §. 4.

§. VI.

Testamentaria hæc tutela etiam in feudis imperii locum sibi vindicat, ex quo fit, ut Principes Imperii nostri, etiam liberis suis legitimam ætatem nondum adeptis tutores testamento dare possint, vid. SCHRADER a) Majori vero dubio obnoxium est, utrum eadem potestas Electoribus concessa sit, vel utrum Elector Filio suo

suo in Electoratum successuro, alium testamento tutorem dare possit, an vero ita præcise ad seniore[m] fratrem, vel hoc non existente, ad proximior[em] agnatum hæc tutela spectet, ut testamento ipsi auferri nequeat? Disponit hoc de casu Aurea Bulla a) In votis quidem habendum esset, ut hæc controversia, publica lege in Comitibus decideretur, hac vero deficiente, summa capita hujus controversiæ attingemus, nostramque sententiam dicemus. Negantes insistant verbis Aureæ Bullæ ex ratione, quod frater ex hac lege unacum proxime agnato jus quæsitum nacti fuerint, per testatoris factum ipsis non auferendum, insuper etiam urgent, electoralem tutelam non solum concernere Electorem ætatis defectum patientem, sed quoque totius Imperii interesse, cum tutor jus & potestatem obtineat Electoris; & Imperatore mortuo augustissimas functiones in eligendo & coronando Imperatore subire debeat, conf. RÜMELINVS b) & LIMNÆVS c). Affirmantes adstruunt, CAROLVM IV. in publicanda Aurea Bulla noluisse detrahere juribus Electorum, & hinc non præsumendum, Imperatorem infra privatorum sortem deicere voluisse Electores, quod tamen fecisset, si facultatem testamento tutores constituendi, iisdem denegasset, sed potius huc respexisse Imperatorem, ut successio unice sit penes primogenitum, & hoc sine hereditibus defuncto, ad seniore[m] Fratrem laicum, cumque successio sit stabilita in primogenito, idem quoque observandum sit in tutela deferenda, quia, penes quem est successio, penes illum quoque tutela esse debeat. Denique non desunt, qui distinguunt inter jus, vocem

&

& potestatem eligendi Imperatorem, & inter tutelam ipsius personæ & Electoratus, quæ personæ educationem & Electoratus administrationem respiciunt, hanc testamentariæ dispositioni obnoxiam esse, de illa vero neutiquam testamentariam valere dispositionem, vid. COCCEJI d) fundant se potissimum in verbis Aureæ Bullæ, nullam Electoratus aut ejus administrationis mentionem facientibus, sed solummodo de jure, voce & potestate eligendi, disponentibus, conf. STRYCKIVS e) & FREHERVS f)

a) cap. 7. §. 2.

b) ad A. B. Diff. 7. thes. 3.

c) de jure publ. lib. 1. cap. 11. num. 103. seq.

d) in jure publico cap. 29. §. 17.

e) in usu moderno ff. lib. 26. tit. 2. §. 4. 7.

f) de tutel. elect.

§. VII.

In tantis ambiguitatibus, quibus hæc lex præmittitur, nobis, salva cujuslibet rectius sentientis opinione, media via, utpote tutissima arridet, ita, ut quidem regulariter tutela legitima hic obtineat, in subsidium tamen etiam testamentaria tutela admittenda sit. Quodsi enim a proximo agnato periculum immineat Electoratus, si metus turbandi status publici adsit, vel mutandæ religionis per legem in Imperio receptæ, nihil obstat, quo minus patri Electori facultas concedenda sit, Filio de tutore bene morato & subditis de quieta administratione prospiciendi. vid. STRYCKIVS a) & OLDENBYRGERVS b). Huc quoque pertinet, quod præter legitimum, Pater in testamento tutorem constituere possit, qui educationem aliaque negotia Electoratum

ratum non concernentia, curet, unicū enim finis A. B. eo solum tendit, ne controversiæ ac lites, in electionibus, comitiis aliisque negotiis publicis oriantur; quando facultas esset Parenti relicta, hæc quoque negotia tutori a se electo committendi, præsertim cum A. B. juris & potestatis eligendi solummodo faciat mentionem, multis hoc exemplis evictum dedit Dn. de LYDEWIG c) simulque probatum dedit, ante conditam Auream Bullam matrem minorennis Electoris, etiam in ipsis negotiis Electoratum & regionem concernentibus, prælatam fuisse d) hinc illud, quod jura omnibus etiam privatis indulgent, Electoribus non erit denegandum, cum CAROLVS IV. Illorum jura potius auferit quam diminuerit.

a) in usu moderno ff. lib. 26. tit. 2. §. 9.

b) ad Instrum. Pacis part. 1. Disc. 25. memb. 2. §. 5.

c) in commentario ad A. B. tit. 7. lit. b. quæst. 4.

d) loc. cit. quæst. 2.

§. VIII.

Deficiente autem testamentaria tutela, in feudis quoque locum habet legitima tutela, quæ ab intestato defertur iis, ad quos successionis commodum pertinet a) ut qui sperant successionem, illi quoque bona tuerentur, in hoc vero differentia tutelæ allodialis ab feudali conspicua est, quod hic soli agnati non cognati tutores sint, conf. BRYNNEMANN b) uti igitur notum est ex jure civili, agnatorum appellationem, cognatos per virilis sexus cognitionem conjunctos exprimere c) etiam si agnatio constituta sit per agnationem civilem sive adoptionem d) emancipatos autem cognatos esse definire

nere e) cognatos vero in stricto sensu per foeminini sexus personas nobis jungi, agnatisque opponi f) ita econtra jure Feudali communi & Saxonico, agnatus dicitur is, qui ex eadem domo & gente proditus, nec eman ipatione jus agnationis exstinguitur, cum hæc jura familiam & agnationem in lato sensu capiant g) *Landrecht* h) ZOBEL i) non tamen adoptivi in feudalibus pro agnatis habentur k) quia feuda vassallis regulariter pro se, & pro iis, qui per masculos ab ipsis descendunt, conceduntur l) familiæque splendori ac utilitati inferviunt. Cum igitur in latiore atque communiore significato familia dicatur omnium agnatorum, etsi singuli singulas familias habeant m) contra jure proprio familia denotet, plures personas quæ sunt sub unius patrisfamilias potestate aut natura aut jure subjectæ, communior & naturalis illa familiæ significatio potius, quam propria & civilis assumenda erit, præcipue cum Germanorum usus communem significationem vocis familiæ recepissee videatur n) SCHILTER o) & alias quoque jus Feudale non tam ad fictions juris civilis quam sanguinis & agnationis naturalis virtutem respiciat, unde adoptivos tanquam agnatos ad successionem in feudis non admittit p) accedit, quod ipsum jus civile emancipatos ad fideicommissum familiæ admittat q) atque adeo latiore hunc sensum probet. Nec obstat Textus juris Feudalis r) jubens, sicuti casus emerferit, consuetudine feudali non expressius, ut adhibeatur lex scripta civilis, nam quia latior strictiorque familiæ significatio juri civili convenit, recte utitur lege scripta, qui latum famosissimumque familiæ sensum, Feudorum

B

rum

rum indoli optime convenientem eligit, eumque stricto familiæ significatui præfert f) vid. omnino solide hanc sententiam defendens MENCENIVS t)

a) arg. l. 1. pr. ff. de legit. tutor.

b) ad Auth. sicut C de legit. tutor.

c) §. 1. Inst. de legit. agnat. tutel.

d) arg. l. 73. ff. de Reg. juris.

e) l. 1. ff. unde legitimi.

f) §. 1. Inst. de legit. agnat. tutel.

g) 2. F. 11. §. 26.

h) lib. 1. art. 23.

i) in Differentiis jur. civ. & Sax. Diff. 12. num. 2.

k) 2. F. 26. §. adoptivos.

l) 2. F. 31.

m) l. 195. §. 2. ff. de verb. Signif.

n) arg. Land. Richt lib. 1. art. 23.

o) ad ff. Exercitatus. 11. tbc. 5.

q) L. 60. §. fin. ff. de Legatis 2.

r) 1. F. 1.

s) arg. l. 67. ff. de Regulis Juris.

t) in Diff. de prerogativa agnatorum præcognatis in suscipienda tutela curare, quoad allodium & feudum Lipsia 1697. habita.

§. IX.

Agnati vero non omnes promiscue ad tutelam vocantur, sed proximi tantum; & ætatis defectum non patientes, alias enim non obstante proximitate gradus, defectus iudicii & intellectus a tutela arcet. Proximioribus autem agnatis deficientibus etiam remoti agnati, & quidem non solum usque ad septimum decimumve gradum, sed etiam in infinitum admittuntur, vid. ROSENTHAL a) VVLTEJVS b) DVARENVS c) & STRICKIUS d) vocantur quoque ad tutelam feudalem non solum agnati collaterales, sed etiam ascendentes, ita ut

hi

hi illos excludant, & quidem non tam propter successionem, utpote jure Feudali descenditibus solum quaesitam e) licet pro casuum varietate, etiam ascenditibus tribuatur successio, quoniam pater in utilitatem filii feudum refutare potest, ita ut in eventum mortis ejus jus recuperandi sibi reservet f) nec non in feudo novo speciali pacto recte efficiatur, ut patri tribuatur successio g) vid. MENCKEN h) sed potius propter plenissimum affectionis vinculum conf. MENCKEN i). Neque interest an agnati ex uno vel utroque latere pupillo minorive juncti sint, nam quamvis alias duplex vinculum fortius liget, quam simplex k) intelligendum tamen illud est de vinculo non inani, sed efficaci ad deferendam successionem ejusque intuitu tutelam l) Cum igitur ab eadem matre descendisse, nihil ad largiendum successionis commodum profit, solum vinculum paternum respicietur, ansamque conferendo tutelae aut curae oneri dabit. De jure Saxonico Feudali hoc singulare & universale est, neminem agnatorum collateralium ad tutelam & prerequisite successionem admitti, nisi simultaneam investituram de feudo nactus fuerit m) CARPZ. n)

a) in *Synopsi feud. cap. 12. concl. 10. num. 34.*

b) de *feudis cap. 9. num. 105.*

c) in *consuetud. feud. cap. 11. num. 15.*

d) de *Successione ab intestato Diss. 3. cap. 2. §. 14.*

e) 2. F. 11. §. 50.

f) *arg. 2. F. 14.*

g) *arg. 2. F. 84.*

h) in *Diss. de simul. invest. ad succ. feud. apud Sax. rec.*

i) in *Diss. de prerogativa agnat. supra laudata.*

- l) *arg. §. 2. Inst. de adopt.*
 l) *arg. 2. F. 11.*
 m) *Sächs. Lehn-Recht. cap. 21.*
 n) *parte 2. Const. 45. def. 13.*

§. X.

In totum' vero a) tutela feudali arcentur cognati, ita, ut ne quidem in subsidium illam adipiscantur. Licet enim jus civile novum, cognatos agnatis in successione, tutela & cura pares esse voluerit a) eadem tamen constitutio ad jus Feudale transferri nequit, in quo familiæ identitas (sit venia verbo) atque ab ea dependens agnatio, utramque facit paginam, cognatis autem commodum successionis non tribuitur b) adeoque nec illius intuitu onus tutelæ vel curæ imponitur c). In alia omnia vero tunc est eundem, quando feudum ita est comparatum, ut commodum successionis, deficientibus agnatis ad cognatos transeat, tunc enim & tutela in subsidium ad illos defertur. conf. MENCKEN d)

- a) *Nov. 118. cap. 5.*
 b) *2. F. 11.*
 c) *arg. §. un. Inst. de legit. patron. tutel.*
 d) *in laudata Diss. de prerogativa agnat. thes. 24.*

§. XI.

Interdum quoque contingit, ut extranei, tutelam legitimam feudalem administrare debeant, uti enim variis potest fieri casibus, ut successio extraneis deferatur, ita idem quoque obtinet circa tutelam. In censum hunc referendi sunt 1) simultanee investiti, utut enim hi pupillo sanguinis nexu non sint juncti, onus tutelæ tamen tunc ad illos spectat, quando proximiores sunt ipsi in successione, SCHRADER a) pluribus existentibus simul-

simultanee investitis, omnibus æquale jus succedendi competit, nulla habita ratione proximitatis, hinc etiam omnes ad tutelam sunt admittendi, nisi clausula adjecta esset *nach redyter Sipzahl*, vel in Saxonia talis contineret casus, quia hic loci senior inter plures præfertur, vid. HORNIVS b) 2) ex eadem ratione, qui expectantiam legitime ad feudum obtinuit, ultimi possessoris vassalli tutor erit, quia hæc quoque certum jus succedendi continet, eodem modo, uti simultanea investitura Saxonica 3) eodem ex fundamento, qui ex pacto Garnerbinatus & confraternitatis spem succedendi habent, eo casu tutores legitimi sunt, quo illis proxima spes successionis affulget 4) Substitutus pupillariter, eo in casu quando conditio feudi ita est comparata, ut testamentariæ dispositioni locus sit, in dubium quidem hoc vocat SCHRADERVS c) quod pupillariter substitutus pupillo tutorem petere teneatur d) ad quem petendum non foret obligatus, si ipsemet tutor esse deberet, attamen & mater tutorem petere tenetur, utut ipsa etiam tutelam subire possit, tunc igitur solummodo pupillariter substitutus ad petendum tutorem tenetur, quando impedimento laborat, quo minus ipse hoc onus subire queat, conf. STRYCK e)

a) de feudis parte 10. sect. 19. num. 49. seq.

b) in jurispr. feudal. cap. 6. §. 15.

c) loc. cit. num. 51.

d) L. 10. C. de legit. hered.

e) in usu moderno ff. lib. 26. tit. 4. §. 8.

§. XII.

Constat etiam ex jure civili tutelam legitimam duplicem

plicem esse, aliam regularem jure successionis proximis agnatis competentem, aliam irregularem, matri & aviæ non jure successionis quidem, sed ob *εὐχρη* naturalem & intimiorem affectum erga liberos debitam, illisque ante omnes agnatos concessam a). Hinc non immerito quæritur, utrum etiam matri & aviæ tutela feudalis competat? Debetur quidem alias tutela feudalis solis agnatis, verum cum jure Feudali dispositum sit b) in dubio ubi casus hoc jure non decisis deprehenditur, recurrendum esse ad jus commune, merito quoque hoc casu illud ex jure communi circa tutelam maternam supplendum est, quod ibidem deficit. Cum enim nullo textu juris feudalis, mater a tutela liberorum in feudalibus exclusa sit, merito admittenda est eodem jure & modo, quo jus commune illam ad tutelam vocat. Jam autem jus civile matrem omnibus agnatis & cognatis præfert, & inde agnati quoque matrem hoc casu excludere nequeunt, præsertim cum matri tutela deferatur non ob spem succedendi, sed ob amorem naturalem & tenerimum, quem erga liberos fovet, ut proinde ratio bonorum hic non sit habenda. Imo ipsi agnati non aliter ad tutelam adspirare possunt, quam subsidio juris communis, cum in jure Feudali de tutela nihil disponatur, quod si itaque agnati solo jure civili nituntur, idem quoque contra se admittere debent, vid. SCHRADER c) ROSENTHAL d) & SCHILTER e) obtinet hæc tutela quoque in matre illustri, ratione bonorum Imperii feudalium, vid. ROMANVS f) probant hoc etiam exempla tutricum illustrium, quæ Reccessui Imperii novissimo g) subscripserunt. In alia omnia vero quoad hunc

hunc passum itum est in Saxonia, ubi tutelæ maternæ nequitiam est locus in feudis vid. CARPZOVIVS h) nisi eam admittere Principi placuerit, CARPZOV. i) HEIGIVS k).

a) Nov. 118. cap. 5.

b) 2. F. 1. §. fin.

c) de feudis parte 10. sect. 19. num. 21. seq.

d) in Synopsi feud. cap. 12. concl. 10. num. 20.

e) Exercit. 37. §. 57.

f) in Diss. de tutel. personar. illust. §. 21.

g) de Anno 1654.

h) parte 2. const. 11. def. 11. num. 14.

i) lib. 5. Respons. 80. num. 13. seq.

k) parte 2. quæst. 13. num. 42.

§. XIII.

Deficiente tutela testamentaria & legitima, in feudis quoque locus est dativæ tutelæ, quoniam vero jurisdictionis ordinaria cui pupillus est subiectus nonnunquam a jurisdictione feudali est sejuncta, non immerito quæritur, quisnam iudex tutorem dare queat, utrum allodialis, utrum feudalis? supersedere possumus hac quæstione, si uti hinc inde evenire solet, utraque jurisdictionis in una eademque persona sit conjuncta, si vero talis conjunctio non deprehendatur, ad id potissimum respiciendum est, quod tutor detur personæ, non vero præcipue rebus a) ex quo prono fuit alveo, illum personæ pupilli dare posse tutorem, qui gaudet jurisdictione in personam, dato autem tutore personæ pupilli, ad ipsum simul administratio omnium bonorum pupillarium spectat b) ex quo fit, ut etiam bona feudalia administrare possit, utut inficias non eundem sit

fit

fit, iudicem gaudentem jurisdictione in personam, expresse tutorem feudalem non posse constituere, cum ratione feudi omni jurisdictione careat c) deprehenditur igitur hic casus ubi expressa nocent, non expressa non nocent, tamdiu vero tutor personæ datus bona feudalia administrare potest, quamdiu iudex feudalis non contradicit, vel alium tutorem circa feudalia constituit, quod omnino ipsi concessum erit d). Econtra iudex feudalis ejusmodi tutorem constituere non potest qui personæ imperet, nullo habito respectu ad feudum, cum extra omnem dubitationis aleam positum sit, iudicem feudalem qua talem omni esse destitutum jurisdictione in personam, conf. SCHRADER e). Pupillo autem gaudente iudice mediato & immediato, immediato competit potestas prospiciendi pupillo de tutore, hic enim jurisdictionem feudalem intuitu feudi in vassallum exercet, vid. HORNIVS f) ita e. g. Imperator in Judicio aulico dat tutores qui bona feudalia & allodialia administrant, Camera imperialis vero in feudis regalibus tutores constituere nequit, cum leges Imperii soli Imperatori circa hæc feuda reservaverint jurisdictionem g) neutiquam vero Austregæ sibi jus dandi tutores arrogare possunt, conf. BLUMIVS h). Si ipse dominus directus confirmandus est ut tutor testamentarius vel legitimus, illud a paribus curiæ peragendum est, modo apti sint ad hoc negotium, alias hoc peragit iudex ordinarius generalis conf. SCHRADER i) & HORNIVS k)

a) l. un. C. ubi petant tut. vel. curat. ibique BRUNNEMANN.

b) l. 14. ff. de testam. tut.

c) arg.

- c) *arg. l. fin. ff. de Jurisdictione.*
 d) *l. 27. ff. de tut. & curat. datis.*
 e) *de feudis parte 10. sect. 10. num. 89. seq.*
 f) *in jurispru. feud. cap. 6. §. 18.*
 g) *Ord. Cam. parte 2. tit. 7.* b) *Proc. Cam. tit. 12. §. 11.*
 i) *loc. cit. num. 98.* k) *loco modo citato.*

§. XIV.

Quoad curatores feudales, neutiquam opus erit, ut multi simus in recensendis illorum peculiaribus officiis, cum fere coincidant cum officio tutoris allodialis, illud tamen non sicco prætereundum est pede, in eo sese exserere differentiam a jure communi, quod, cum jure civili cura legitima non necessario agnatis & cognatis deferatur, quia minores testamenta condere, & illos a successione excludere possunt, excepto casu, si furioso, mente capto & prodigo a) dandus curator, in feudalibus tamen & hæc cura sit necessaria, cum successoribus beneficiariis jus succedendi per ultimam voluntatem auferri nequeat b) aliter vero sentiendum erit, si ejusmodi dispositio vasallo minori sit concessa, vid. SCHRADER c) In iis vero casibus, in quibus jure communi curator etiam majoribus, ut furiosis, mente captis, surdis, prodigis, & perpetuo morbo ita laborantibus, ut rebus suis præesse nequeant a patre aut judice dari potest, in iis id etiam ad curatorem feudalem trahendum est, conf. ROSENTHAL d) Quodsi curator ad litem vasallo dandus, ille judex illum dabit, ad quem cognitio illius litis spectat, hinc si lis inter dominum & vasallum sit, vel de ipsa tutela suscipienda, vel non, vel de alia causa feudali, pares curiæ illum dabunt, conf. HORNIVS e)

a) §. 3. & 4. *Inst. de Curatoribus.*

b) *l. 1. F. 8.*

c) *de*

- c) *de feudis parte 9. sect. 19. num. 48.*
 d) *in Synops. feud. cap. 12. concl. 10. num. 84.*
 e) *in jurispru. feud. cap. 6. §. 20.*

§. XV.

In bonis tutoris feudalis pupillus idem juris habet, quod ipsi competit in tutela allodiali, adeo ut & tutoris a Domino feudi vel alio iudice feudali constituti bona feudalia in subsidium pupillo sint tacite oppignorata, STRUVIUS a) nam a regula juris civilis hic nunquam recessum fuit in sanctionibus Imperii, ob eandem hic militantem rationem, quare in O. P. S. b) expresse sancitum legitur: So ordnen wir daß die Lehn-Güter, derer Vormünder, welche wir oder ein anderer Lehn Herr unter uns gefessen, constituiren werden, ihren Mündlein von Zeit an der Bestätigung, sintemahl dieselbe an statt des consensus ist hilfsreichend verhypotheciret, und verpfändet seyn sollen, sich alleine auf den Fall, wenn sonst keine Leb-Güter vorhanden, an denselben zu erhalten. Quousque igitur in hac vel illa provincia Germaniæ contrarium non expresse constitutum apparet, eadem juris dispositio sibi locum vindicabit, ita ut alleganti expressam contrariam legem vel observantiam, probatio incumbat, vid. omnino TITIVS c)

- a) *in Syntagmae juris Feud. cap. 14. thes. 27. num. 3.*
 b) *Tit. 45. §. Berner vermercken wir.*
 c) *im Teutschen Lehn-Recht. cap. 19. §. 29. seq.*

§. XVI.

Quia generaliter in ordinatione politica cautum a) daß ein jeglicher Vermund, er sey gleich Testaments-weise v. ordnet, oder durch das Recht oder den Richter gegeben, sich der Vormundschaft nicht unterziehen soll, die Verwaltung sey ihm denn zuvor durch die Obrigkeit decerniret und befohlen, omnis etiam tutor feu-

feudalis, tam testamentarius, quam legitimus confirmatione indiget, imo etiam personæ illustres hanc sibi legem impositam sentiunt, ut a Cæsarea Majestate vel Camera Imperii confirmationem impetrare debeant, statuente ROSENTHALIO b) & BLUMIO c). Confirmatio ipsa petenda est a tutoribus legitime constitutis, quia hæc consequens necessarium est agnitionis tutelæ, teste SCHRADERO d) proinde petenda statim, ac tutor sibi tutelam delatam esse, agnovit, alioquin suo periculo hoc omittit, si interea pupillo damnum emergat, docente SCHRADERO e) siquidem a tempore confirmationis demum legitime administrare & efficaciter agere potest.

a) de anno 1548. § 1577. tit. 31.

b) de feudis cap. 12. concl. 10. num. 64. seq.

c) in Proc. Cam. cap. 42. num. 11. seq.

d) de feudis parte 10. sect. 20. num. 97. e) loco modo citato.

§. XVII.

Nec minus per ordinationem politicam cautum est a) ut omnes tutores & curatores juramento obstringendi sint, de tutela recte administranda, quare nec tutores feudales a præstatione hujus juramenti immunes sunt, quod adeo extendit SCHRADERUS b) ut etiam tutores illustres hoc juramentum subire teneantur, quia tutela sit quasi contractus, in contractibus autem Reges, Principes & Duces jure communi uti, verum enim vero, quis est, qui nesciat, fidem Principum pro jurejurando valere, teste MYLERO ab EHRENBACH c) ut proinde, ubi alias juramentum requiritur, Electores & Principes excepti legantur d) utrum vero exempla ad sint præstiti a Persona illustri ejusmodi juramenti, scimus cum ignarissimis, licet certum sit, matres illustres hoc juramentum in Camera Imp. præsticisse, prout exempla apud STRYCKIUM e) evincunt.

a) de anno 1577 tit. 31.

b) de feudis Parte 10. sect. 20. num. 235.

c) in Nomologia Princ. Imp. cap. 6.

d) Key: nent: Ordnung de anno 1521, §. und sollen durch

e) in usu moderno ff. lib. 26. tit. 2. §. 4.

§. XVIII.

Præstito juramento, tutores præterea in majorem pupillorum securitatem, satisfactionem præstare tenentur, & quidem

quidem secundum ordinationem Politicam sæpius adductam a) hæc cautio hodie indistincte ab omnibus adeoque & feudalibus tutoribus est præstanda. Sed hoc quidem, quod novissime in Constitutionibus Imperii in securitatem Pupillorum introductum est, merito obtinere deberet in Univerſa Germania, cujus tamen usus admodum rarus hodie est, non tantam enim in plurimis locorum ordinationibus hæc necessitas satisfactionis expresse remissa est, sed in plurimis etiam in consuetudinem abiit, quod utrum consultum fecerit, inquit MEVIVS b)

a) de anno 1577, tit. 32.

b) ad Jus Lubecense lib. 1. tit. 7. art. 2. num. 55. seq.

§. XIX.

Denique etiam secundum Ordinationem Politicam a) requiritur, ut tutores legitimum inventarium conficiant, sine quo administratio recte suscipi & geri nequit, id quod etiam in plerisque locorum statutis exigi solet, quæ longa serie recenset GISEBERTVS b) eo magis autem tutori feudali inventarii confectio incumbit, quo magis interest pupillo, scire quæ sint pertinentiæ feudales. Quod si tutores inventarium facere neglexerint, variis poenis a legibus c) addiuntur, quorsum etiam pertinet, quod contra illos juretur in litem d)

a) de anno 1577, tit. 32. b) in Pericul. statuc. 11. art. 20, num. 116. seq.

c) l. fin. §. 1. C. de arbitrio tutela. d) l. 7. ff. b. l.

§. XX.

Quod autem ipsam administrationem tutelæ feudalis attingit, omnia ipsis sunt expedienda, quæ tutoribus aliis incumbunt, debent enim pariter circa contractus pupillorum circa feuda initos consensum interponere, vasallos impuberes & minores defendere, alimenta congrua præstare, educationem curæ cordique habere, singulis annis rationes reddere, fidelitatem præstare, renovationem investituræ legitimo tempore petere, nec non curare, ut servitia eo quo decet modo præstentur. Eodem modo quoque uti tutor allodialis potest conveniri actione tutelæ directæ ad culpam levem præstandam, & residua restituenda, ita & hæc actio contra tutorem feudalem.

feudalem locum habet. Pari modo, uti tutor allodialis actio-
ne contraria persequitur damnum, quod occasione tutelæ ad
ipsum pervenit, ita etiam hæc actio tutori feudali competit,
idem etiam dicendum de actione subsidiaria contra magistra-
tum instituenda a).

a) *Tit. ff. de administrat. & pericul. tut. & curat. de auct. & consens. tut. & cu-
rat. quando ex facto tut. vel curat. de suspens. tut. vel curat. ubi pupillus
educ. vel morari debeat. de tutel. & tut. distrab. de contrav. tut. & util.
auct. de magistrat. conven.*

§. XXI.

Quando vero Pupillus deprehenditur, qui utroque tuto-
re est instructus, allodiali, qui allodialia bona administrat, &
feudali, qui curam gerit feudalium bonorum, ac inter feu-
dalia bona etiam deprehenditur jurisdictio patrimonialis, non
immerito quæritur, utrum cura jurisditionis spectet ad tu-
torem allodiale, utrum vero ad feudalem? Peculiaris est
hæc species jurisditionis, atque Romanis incognita, soli juri
Germanico originem adscribens, atque natales capiens ex
antiqua disciplina domestica dominis in servos competente,
atque sublata servitute in schema jurisditionis mutata, conf.
HEINECCIUS a) hoc etiam peculiare habet hæc jurisdictio,
quod non personæ inhæreat, sed cum patrimonio ad quem-
vis possessorem transeat, atque etiam a foemina & infante
possideri possit, quare quia hæc jurisdictio accessorium feudi
est & plerumque esse solet, bona feudalia vero ab tutore feu-
dali administrantur, non potest fieri non, quin & illud quod
indivisibili nexu cum feudo cohæret ad illius administratio-
nem spectet, siquidem jurisdictio patrimonialis ordinarie ad
pertinentias feudi refertur, pròinde variis confusionibus an-
sa daretur, si illud quod revera feudale est, tutoris allodialis
administrationi subjiceretur, ad quid enim opus foret con-
stitutio peculiaris tutoris feudalis, si hæc jurisdictio per mo-
dum feudi concessa, ab ipsius cura deberet esse exempta? idem
judicium esto, de jure venandi, aliisque regalibus unatum
prædio feudali concessis.

v) in *Diff. de origine jurisditionis patrimonialis.*

§. XXII.

Quoad annos pubertatis & perfectæ ætatis, quibus tute-
la

la curaque finitur, jure Longobardico feudali nihil peculiare constitutum est. Jure Sax. feudali pubertas ex lapsu 13 annorum & 6 hebdomadum, major vero ætas 21 annorum æstimatur a). Quoad usum hodiernum de annis pubertatis ratione tutelæ finiendæ, non multum quæritur, cum potissimæ & quæ effectum respiciunt, tutorum & curatorum differentiæ, teste BEYERO b) hodie sint inanes, ita, ut plerumque illi, qui tutelam gesserunt, curam detrectare non soleant, quodsi tamen tutor curam suspicere nolit, atque se excusare velit, nec hodie prohibebitur etiam intuitu feudorum c) proinde tutela curave feudalis iisdem modis finitur, quibus jure communi id fit, scilicet extra Saxoniam minor ætas cessat anno 25 completo, nisi antea quis veniam ætatis impetraverit, exceptionem hic suggerit A. B. d) ratione Electorum, quos 18 annis completo majorentes & habiles ad capessendam administrationem jurium suorum & terrarum constituit, eandem exceptionem deprehendimus in aliis quoque gentibus illustribus, quæ propter privilegium anno 18 majorennis fiunt, qualia exempla recenset MYLERS e) & LIMNÆVS f).

a) *Jus Feud. Sax. art. 26.*

b) *in Diss. de hodierna tutor. & curat. differentia.*

c) *arg. §. 18. Inst. de excusat.*

d) *tit. 7. ibique de LVDEFFIG.*

e) *de Princ. & Statib. Imp. parte 1. cap. 29. num. 5.*

f) *com. 4. jur. publ. ad lib. 3. cap. 7. num. 38.*

§. XXIII.

Plura quidem in materia hac satis illustri in medium producenda forent, sed temporis oppido angusti penuria exclusi, hic rivos claudere jubemur, hoc solummodo in votis habentes, ut perbrevis hæc commentatio æqui bonique habeatur, & magis exalciata & fufius pertractata apud autores hinc inde laudatos consulantur, quodsi hujus voti erimus compotes, exoptatum assequemur hujus quicquid est, scriptio-

tionis

F I N E M.

* * *